

MAI  
2.  
EL.



H. XIII. 9



Liden  
Novo-Tacim-  
C/37/II

Henrici Nicolai.

1. Gymnasium Logicum repetitum
2. Exercitatio de Cognitione humana universa.
3. Tr. de Esse alicubi seu Ubicite.
4. Pro methodo Trinitatis alijsq; materijs Apologia.
5. Quadratus expensy seu Consideratio quadrato proportionum  
de Sympochismo nuncupatus Willebergus emissus.
6. Exercitatio de Prudentia Theologica.
7. Exerc. de Obedientia tam Civilis quam Spiritualis.



DE  
COGNITI-  
ONE HVMANA  
UNIVERSA.

Ad. 19

Hoc est,

De omni scibili humano universim  
sumpto,

Exercitatio singularis.

*Lumen Coronidi Logicae non incommode illatura,  
& quae desunt, suppletura.*

Ad Disputandum in Gymnasio Geda-  
nensi proposita

PRESIDE

HENRICO NICOLAI,

Philos. Professore  
Publico.

*Respondentis partes expediente*

GEORGIO HÜBNERO,  
Curâ Silesio.

Ad diem 28. Julij.

In Auditorio Philosophico.

Horis ab 8. matutinis.

GEDANI, Typis Rhetianis. 1640.







# De Cognitione humanâ.

## *Exercitatio singularis.*

### Lumen Coronidi Gymnasij Logici com- modè illatura.

**N**on bruta aut ad belvarum stuporem dejectos nos fecit Deus, ut vel ventri tantum obediētes viueremus, vel nullâ prorsus re liberaliore occuparemur: sed homines, animantes ratione intellectuq; instructas, quas & indagare res voluit: & abstrusas rationes nexusq; causarum latentium discursus adminiculo inquirere ferre potest. In quo si hominem curatius se occupantem viderimus: & verè hominem esse, & inter cœteros non infimo hominis fini satisfacere animadvertamus. Cumq; cognoscibile Philosophicum in *Coron. Gym. Log.* exhibuerimus, ibiq; omnia completè pertractare pro destinato nostro nequierimus: æquum æstimatum est, & cognitionem humanam universam distinctius pertractatam exhibere: & quæ Philosophiæ tractationi deesse videbantur, hoc loco velut additamentum superadficere.

2. Cognitionis humanae Universa *vel sensitiva* esse potest, quæ sensuum externorum & internorum beneficio perficitur, cum brutis nobis communis, & in illis in multis sæpè superior est: Hæc hujus loci propria non est, sed ad Physicam remittenda: *vel intellectiva s. ratiocinativa*, ratiocinandi vi, ut intercurrente medio, expedita. Hæc hu-

A

jus loci



2.  
jus loci propria, & proinde sui objecti respectu expendenda est. Hæc *vel in generali* spectari potest, *vel speciali*. *Generali*, cum partim ipsa cognitio, ac objectum ejus, cognoscibile, universim repræsentatur. *Speciali*, cum generales cognoscibilis species ut tales, generaliter exhibentur. Vtrumq; in habitu aliquo fieri solet, quem alij *Gnostologiam*, alij *technologiam*, *hexilogiam*, & *artium doctrinam* appellant.

3. Cognitionis humanæ fundamentum quia *Cognoscibile* est, cognito hoc ipsius cognitionis indoles facile cognoscetur. *Cognoscibile* hic est *perceptibile*, *intellectui humano ad distinctè cognoscendum, quocunq; modo objectum*. Ejus disciplina *Gnostologia* dici queat, *qua habitus animi principalis, cognoscibile ut sic in generali suo esse & speciebus proximè ex generali esse fluentibus adequatè distinctèq; contemplationis ut proximi finis gratiâ repræsentans, definiri poterit*. Habitus animi principalis quid sit, ex *Cor. Log. 1. o. seq.* patet. Et animi habitus est, ut subjecti inhæSIONIS; Intellectus, ut subjecti perfectionis & informationis, proximè n. Intellectum in cognoscendo, non voluntatem, aut memoriam perficit. *Dari etiâ habitus intellectus*, quos nonnullos negare *c. l. 2. 10.* notatum est, facile patet. Potest n. Intellectus promptior, facilior, distinctior, accuratior, & perfectior in intelligendo, judicando, combinando, fieri, ac per naturam est, ut experientia literas continuè tractantium docet. At promptitudo illa à nullo esse potest, quàm habitu. Hic n. principium promptam & facilem operationem suppeditans est. *Species intelligibiles* objectum tantum repræsentant, illud intellectui vniunt, quæ unio est ipsa objecti apprehensio. Sed habitus prompti-



promptitudinem iudicandi de veritate aut falsitate ob-  
 jectorum intellectui conciliat. Nam & speciebus receptis, &  
 terminis cognitis, adhuc de connexionem terminorum & ve-  
 ritate aut falsitate obsectorum dubitare & vacillare potest  
 intellectus. Hic ergo habitus promptitudinem & facilita-  
 tem iudicandi supra species intelligibiles conciliat, quâ ipsa  
 intelligendi potentia proprior & perfectior redditur. *Conf.*  
*1.10. Et humana cognitio hic dicitur, quia hominis intellectu hauri-*  
*tur.* sensuale cognoscibile aliò pertinere *1. 2. & Coroll.*  
*Log. 1. 12.* dictum est. *Intellectus humano cognoscibile* ob-  
 jici di-  
 citur, ut *partim* divinus excludatur, qui ad cognoscendum  
 nec speciebus nec objectis, nec habitu eger, sed ipse sibi om-  
 nia est, *ut 1.12. c. l.* dictum: *partim* angelicus, Cujus cog-  
 nitionem jam inquirere non intendimus, qui in cognitione  
 humanâ tantum occupari destinavimus, & habitum scibile  
 homini representantem tantum delineare constituimus.  
*Cognitio ipsa perceptio rerum intellectu humano ob intimam sui*  
*perfectionem obsectorum erit.* Et res generalissimè hic su-  
 menda, ut realia & notionalia, naturalia & supernaturalia,  
 comprehendit. Amborum n. cognitio intellectiva huma-  
 na esse potest.

4. Cognoscibile considerari potest *vel* quoad prin-  
 cipia sua, *vel* attributa, *vel* species & divisiones.

5. *Principia Cognoscibilis sunt fundamenta, quib. cog-  
 nitio scibilis nititur, & per quæ ad distinctam cognitionem intelle-  
 ctus humanus deducitur.* Et analogica hic principia: non ri-  
 gida & univoca. Summum n. & velut transcendens quid  
 cognoscibile est, alia principia se priora, & realiter à se di-  
 versa non agnoscens. Ens n. & Cognoscibile ut res, & res di-



versa non differunt. Latissimum quid est, & quo latius cogitari non potest. Si enim cogitatur, iam cognoscitur & cognoscibile est.

6. Suntq; *interna & externa*. Interna sunt *objecti materiale*, quod *Entitas* est, cum quicquid cognoscibile est, Ens esse oporteat, cum non entis ut nulla affectio, sic nec cognitio esse possit. Et quò magis quid ens, eò magis cognoscibile est, ut Entia realia; quò minus ens, eò minus scibile; ut entia rationis. *Et formale, quod scibilitas est*. Hæc fundamentaliter in ipsis rebus est: formaliter in intellectu cognoscente est. Hic actu scitur & cognitum fit, quod in re ipsa potestate scitur, & cognoscendum se sistit. Hujus principium est *lumen Gratia & Natura, creationis & gratiosa revelationis*, undè omnis scibilitas deducenda, & ad quò reducenda est. Ex illo supernaturalia, ex hoc naturalia scienda sunt deducenda. Duo magni hi libri sunt à DEO aperti, qui omnia scibilia continent, & ex quibus omnium rerum scientiæ hauriendæ: *Liber creationis s. natura, & liber gratiosa revelationis seu scriptura*. DEUS author utriusq; libri, & sic fundamentum sciendi ultimum constitutivum, quò in libro gratiæ vel potentiæ loquitur, & scienda revelat: Libri ipsi fundamentum radicativum & contentivum, in quibus radicanter & continentur omnia, quæcunq; ab intellectu humano sciri possunt. *Extra scripturam* in supernaturalibus velle sapere est divina ex incompetentibus principis deducere, undè nunquam deduci possunt: & ex se ea nosse velle, quæ intellectui finito ex se ipso novisse impossibile est. *Ambrosij* illud c. *Symmachū* hic cogitandum: *Cæli mysteria doceat me DEUS ipse, qui condidit, non homo, qui se ipsum ignoravit*, Cui magis de DEO, quàm DEO credam? Et quod



quod Apostolus monet, Non sapere ultra id, quod scriptum est, *1. Cor. 4. v. 6. Extra naturam* in naturalibus velle sapere, est cogitata ultra cælum projicere, temerarijs speculationibus indulgere, in quibus hiandum tandem, & dubitandum. Quæ in naturâ patefacta sunt, deferere, & immediate ad DEum decurrere est *librum à DEo apertum præ inscitâ & socordiâ velle claudere, & pro Theologo* quidem aut pio viro, non autem Philosopho ac perito viro respondere, ut in simili *dec. 2. Misc. d. 8. l. 18.* dictum.

7. *Externa sunt, quæ vel primò cognitionem excitant & faciunt, vel excitatam* porro promovent & servant. *Quæ excitant, finis & efficiens sunt. Finis est causa, ob quam cognoscibile est.* Hic *vel propinquus est,* ipsa rei cognitio, actus intellectus, quo ex se indeterminatus objective determinatus redditur, & per determinationem illam velut per habitum aliquem potentia perfectibili superjectum naturaliter perficitur: *vel remotus,* DEI ex cognitione orta glorificatio. *Quævis enim cognitio ampla laudis divinæ est materia & occasio. Efficiens est causa, à quâ est cognoscibile. Hæc vel movet ad cognoscendum,* ut rerum ipsarum dignitas, varietas, venustas, ignorantia nostra, & ex eâ profecta scientiæ & scientum admiratio, & scientiæ naturalis aptitudo & desiderium. *Rerum venustas invitat, ignorantia instigat, Admiratio concitat, desiderium inflammat ad sciendum.* Naturaliter enim, nisi distortæ naturæ simus, omnes scire desideramus, *Met. cap. 1.* Et duos sciendi sensus, visum & auditum, nunquam exsatiari *Ecclesiastes* tradit *c. 1. v. 8.* Quasi sciendi desiderium nunquam impleri posse diceret: *Vel produci ipsam cognitionem, & ex intelligibili potentia facit actu intelligibile.*



8. Hoc *vel primarium* est, ut intellectus, cognoscibile apprehendens & considerans: *Et ratio*, causas inquirens & educens: *vel secundarium*, quod velut medium & instrumentum intelligendi esse potest. Hoc *vel remotum* est, ut sensus externi objecta deferentes, & in his inprimis *Visus*, inventionis, & *auditus*, communicationis sensus, quos perficiunt *observatio*, quæ est singularium deprehensio, *Experientia*, quæ est deprehensorum collectio, & *Inductio*, quæ est Universalium ex singularibus observatis deductio. Vnde λόγος καὶ πείρα, *Ratio & observatio* duo cognitionis ocellidici solent, *V. Coron. s. 22. Vel propinquum*, quod proximè ad cognitionem facit. Hoc *vel productionis* esse potest, per quod producit, quod *abstractio* est, quæ est *reicognoscenda ab omni cognoscendi impedimento intellectualis defecatio*. Quale impedimentum conditio Individualis, accidentalis imperfectio, materialis immersio, status singularitatis, conjunctio rerum distinctè percipiendarum, ubi, servit præcisio, & simile esse potest. Sine abstractione distinctè & solidè nihil cognoscetur, eamq; qui tollit, solidam cognitionem tollit, cum Individua omnia apprehendere nequeamus: Ac licet non sit formalis considerandi ratio: est tamen impedimentorum cognoscendi remotio, quæ distinctæ cognitioni obsisterent, eamq; impedirent: *Vel apprehensionis & representationis*, per quod apprehenditur ab intellectu cognoscibile, quod *conceptus* vel expressio rei est, *species rei scibilis ab intellectu formata, in mente rem, quatenus cognoscenda est, representans*. Res ipsas realiter & materialiter in intellectu non sistimus: sed formaliter & per species à rebus sumptas, pro illis suppositas, & illas in animo representantes.



24.  
res. Dicitur & conceptus formalis, forma, formalitas, idea, noëma, norio, intentio, species intelligibilis, verbum mentis, solet. Cui opponitur *conceptus objectivus*, qui est ipsa res intellectui objecta, per speciem formalem in mente representata. *Ille* ens reale et singulare, ut qualitas in intellectu hujus & illius concipientis, est: *Hic* ad reale & notionale, singulare & universale indifferens est. Interdum reale quid est, ut mons, asinus: interdum notionale, ut Metaphora, syllogismus. *Ille* semper qualitas mentis est: *hic* ex omnibus rerum generibus esse potest, ut substantia, quantitas, qualitas est. *Ille* signum hujus, *hic* signatum illius est. *Ille* semper in intellectu, *hic* sæpè extra eum est. *Ille* ab intellectu agente ut principio est, qui species format; *hic* sæpè sine eo est, ut omnia entia realia in Naturâ esse & existere suum habentia. *Ille* propter intellectum est, ad cujus operationem ordinatur: *Hic* propter aliud quid, quàm intellectum. Ac ut *abstractione* veritatem assequimur: sic *conceptu* posidemus. Simulacra rerum mens format abstractendo: Ad res ipsas ea conformatur concipiendo, & sic verum possidet cognoscendo: Sine ideâ nulla intellectio: sine apprehensione & representatione nulla cognitio. Abstrahio cognoscendi impedimenta amovet: Conceptus formalem R. E. i. rationem intellectui repræsentat.

9. *Principia, quæ cognitionem excitant, porro promovere & servant, disciplina & habitus intellectualis sunt. Disciplina* promovet & communicat, *habitus* radicat & confirmat cognoscibile. Disciplina ob cognoscibilis propagationem ad alios, habitus ob cognitionis firmam radicationem scibilis principium dicitur. *Disciplina est rerum homogenearum*

(sub)



7.  
*sub unum objectum formale revocatarum, iusta, plena, & ordi-  
nata tractatio, cognoscibilis propagationi inserviens. Homogenea*  
hic sunt, quæ de eodem communi conceptu participant, &  
vel ad idem genus vel q: genus revocantur. Fundamentum  
ejus est *objectum*, quod est *conceptus realis, essentialibus consti-  
tutivis & modis contrahentibus affectus, basis omnium in discipli-  
nâ tractatorum*. In eo duplex ratio est, *materialis*, secundum  
quam latius quid est, & in multis disciplinis considerari ap-  
rum est: *Et formalis*, juxta quam contractius quid, & unicæ  
disciplinæ adæquatè substernitur. Hæc *vel* objecti esse po-  
test, ut res est, *vel* ut objectum est. Illa entitas, hæc scibili-  
tas est. Illa signatum, hæc signum. Illa naturæ, hæc scientiæ  
formale notat & constituit. Interdum habet principia, af-  
fectiones, & species *univocas rigidasq;* ut Physicæ, Mathema-  
ticæ, objectum: Interdum analogicas & latiores, ut Pneu-  
maticæ & Metaphysicæ. Hic sufficiunt *prædicata Synonymi-  
ca*, quibus objecti natura quidditative concipiatur & de-  
claretur: *Attributa Paronymica*, quæ ex quidditate ejus de-  
ducantur: & respectus contrahentes modiq; limitatio-  
res, quibus objectum restringatur, cum principia, affecti-  
ones, & species propriè dictæ haberi nequeunt. *Disciplina*  
objectum recondit & tractat: *objectum* disciplinam consti-  
tuit & denominat. *Disciplina* rem explicare per præcepta  
& exempla, & rei explicationem ad usum transferre debet.  
*Præcepta* velut termini sunt, unamquamq; rem certis limi-  
tibus circumscribentes, ut definitiones, & divisiones, & af-  
fectiones rerum exprimentur & declarentur. Debent esse  
*vera, certa, perspicua, & rebus, quas exhibent, vel secundum  
rem, vel distinctam rationem consideratis conformia, &*  
*adæqua-*



adequata. Hujus loci propria sedes est *doctrina de discipli-*  
*nis, habitibus, & objectis intellectualibus*, cum nec Intelligen-  
 tia, nec Metaphysica, aut particulari disciplina accuratè at-  
 tribui possit. Sed cum multa & intricata ad hanc doctri-  
 nam pertineant; peculiari tractatione opus habet, nec hic  
 universa deduci possunt. Peculiariter de habitibus intelle-  
 ctualibus scripsit *Andr. Duodus, Alstedius in hexilogia, Timpler-*  
*us in technolog. & exerc. 3. Philosoph.* Multa eò facientia ha-  
 bent *Piccolomineus gra. 5. Ph. mor. D. 1. Mart. l. 2. ex. Meta. ex.*  
*9. thez. Mendoza d. 10. de ap. s. 5. & 6. & d. 16. d. anim. & d. 1.*  
*Metaph. s. 7. Smiglecius d. 16. & 17. Logica. Suarez d. 44. s. 4.*  
*& 11. Meta: Conimbricens. in 1. postier. c. 26. Morisanius d. 12.*  
*Logic: Arriaga d. 1. Logic. Raconis d. 1. d. demonstr. s. 3. Rithm.*  
*d. 19. Metaph. Eustach. S. Pauli p. 3. Dial. tr. 3. q. 5. Hornejius l.*  
*5. Logic. q. 15. Scheibler. introd. de Philosoph. n. 67. seq. & c. 8. n.*  
*38. seq. Fonseca l. 6. Metaph. c. 1. Pererius l. 1. de Nat. Verulamius*  
*in libris d. augme. scientiar.* Ubi nova methodo scienda &  
 scientias humanas partitur ac persequitur. *Quaquam se*  
*non ut militem & oppugnatorem*, sed ut buccinatorem hæc  
 tradere ait, qui non pugnam incat, aut ad pugnandum ali-  
 os concitet; sed ut conjunctis viribus naturam rerum ejus-  
 q; edita & munita expugnent, ac fines Imperij humani pro-  
 ferant, *l. 4. c. 1. Sluterus l. 1. Syner. Laurembergius in pansop. Kes-*  
*kermannus in meth. studiorum T. 1. op. p. 490. 491.* aliiq; , qui  
 hic consulendi, & ex quibus plura deducenda, si ex profes-  
 so materiam deducendi animus fuerit.

10. *Habitus intellectualis est qualitas mentis firmè radi-*  
*cata potentiam cognoscentem circa objectorum cognitionem ada-*  
*quate, distinctè, & accurate perficiens.* Habitus hic perfectio-



nes sunt, & talia, quæ mentem exactius in seibili determinant: non inchoationes, quæ determinare saltem incipiunt, ut dispositiones; aut imperfectiones, quæ vacillanter determinant. Ut opinio, suspicio, fides humana, dubitatio; aut detorsiones, quæ pervertunt, ut error. *Qualitas* dicitur, quia & instar qualitatis subiectum suum perficit; & ut constans & firma affectio illud denominat. Quæ ad subiectum, quod perficit, aut obiectum, quod cognoscenti obijcit, refertur, ac respectum aliquem transcendentalem ad eam habet, sic relatio appellari potest. Absolutè tamen & primò in naturâ sui qualitas est. Ut contra *Picoletum*, *grâd. 2 c. 8. & l. d. ver. def. f. 408.* alibi ostenditur. *Et conservat* cognitionem habitus, quæ firmè radicata est: *Et determinat* intellectum in cognoscendis objectis, cum ex naturâ sua ad ea indeterminatus esset. Accuratè obiectum repræsentare debet, ne quid contra veritatem: *Adequatè*, ne quid contra totalitatem: *Et distinctè*, ne quid contra ordinatam obiecti dispositionem committatur, ne ab attributis aut speciebus inchoetur, in quidditate finiatur, sed contrâ procedatur. Ad comparandum eum Natura, Cura, & Exercitatio requiruntur. *P. Coron. l. 23.* Quæ in docente, discente, & utroq; requiruntur, alibi proponuntur. Non est solâ species intelligibilis, quæ obiectum saltem cum intellectu unit, & unio ipsa obiecti est apprehensio: sed perfectio aliqua, difficultatem iudicii de veritate aut falsitate obiectorum cognitionum tollens, & facilitatem suppeditans. *Conf. l. 3.*

11. *Attributa seibilis sunt habitadines essentialiter à posteriori ei competentes, ex eo fluentes, illud denominantes, & cum eo sub disjunctione reciprocabiles.* Nec constituunt propriè illud, nec quidditatem. Logicè faciunt, nec in species

contrâ



contrahunt: sed à posteriori velut consequuntur, & ut con-  
fectiva quædam apprehenduntur, per conceptum simul  
representantur, in disciplinâ unâ cum ipso proponuntur.  
& de cognoscibili, ut sic, in genere per disjunctionem veri-  
ficantur.

12. *Suntq. primaria & secundaria. Primaria, quæ pri-  
mariò de cognoscibili predicari possunt. Ut Prædicamentalitas  
& Extrapredicamentalitas. Prædicamentalitas est, quæ sci-  
bile ob compositionem certo rerum generi subiacet. Hoc  
in rebus creatis Logicè compositis, entibus per se & reali-  
bus locum habet, & per hoc prædicamenta Lógica spargitur.  
Extrapredicamentalitas est, quæ scibile ob perfectionem vel  
imperfectionem rerum genera respuit, ut directè illis con-  
tineri non possit. Estq; vel Eminentia, quæ in rebus nobili-  
tate sui rerum genera excedentibus obtinet. Hæc in Spiri-  
tu, ut sic, & ut infinitus est, attributis, actibus & mysterijs  
divinis est, Ut Deo, Christo, Sp. S. Creatione, prædestina-  
tione, &c. Vel Transcendentia, quæ in rebus generalitate sui  
genera excedentibus est, ut Entē, ejus attributis unitis &  
disjunctis: Vel deficientia, quæ in rebus imperfectione sui à  
generibus rerum deficientibus est, ut privationibus, Enti-  
bus rationis, negationibus. Hæc cognoscibilia sunt per op-  
posita sua, quibus contradistinguuntur, & à quorum essen-  
tiis multum deficiunt. Secundaria, quæ secundariò de sci-  
bili prædicantur. Ut Univocatio & Analogia, unde scibile  
vel univocum vel analogum appellatur. Equivocatio lo-  
cum non habet, sed studiosè à scibili detergenda est. Per  
accidens in conceptibus invenitur, vel ob intelligendi in-  
adequatam distinctionem, vel vocum defectum, quo unâ  
voce diversas res appellare cogimur. Ita non unum cer-*

12.

cumq; quid intellectui sistit æquivocum : sed distrahitur.

13. *Univocatio est, quæ scibile multū tribus potest equaliter, æqualitate attributionis*, ut non uni per prius aut originationem, vel infinitam eminentiæ perfectionem, alteri per posterius & derivationem vel habitudinem ad prius, vel posteriorem saltem participationem ac dependentiam à priore tribuatur, & si unum altero nobilius & dignius esse possit. Sic animal de omnibus inferioribus, homine & bruto, æqualiter prædicatur quæ attributionem ejusq; ordinem. Etsi homo dignior animalis species, quam brutum sit per differentiæ nobilitatem. Sed ens de substantiâ & accidente inæqualiter prædicatur in ipsâ attribuendi entis ratione. Entitas n. per prius & originaliter est in substantia: dependenter & per habitudinem ad eam in accidente, Involuitur n. semper, quod sit ens in substantiâ. Similiter & de DEO & creaturis, ente reali & rationis dicitur, quamvis in hoc vera æquivocatio sit. *Analogia est, quæ scibile inferioribus inæqualiter inæqualitate ipsius attributionis* secundum prius & posterius, originationem & dependentiam, eminentiam & participationem, tribuitur. *Hæc vel proportionis* dicitur, quæ est ipsa æquivocatio, ut ridere hominum & prætorum: *Vel attributionis*, quæ per ordinem attribuendi diversum procedit. *Hæc vel externæ* est, cum uni internè, alteri externè conceptus tribuitur, ut sanitas animali, utriusq; & medicamento: *vel internæ*, cum utriq; internè. *Hæc vel cum dependentiâ* unius ab alio est, ut ens de substantiâ & accidente, amicitia de honestâ, utili, & jucundâ: *Vel sine illâ*, ut generatio de divinâ ac humanâ, ubi nulla habitudo hujus ad illam est, nec ab illâ propriè hæc dependet. *In analogis mysticis* analogia vel per attributionem perfectionis emi-



13.  
eminentem in principali analogato explicanda: Sic entitas  
in Deo longè eminentior, ac creatis: *vel* omnis imperfecti-  
onis in eodem remotionem: sic generatio divina sine mu-  
tatione estendi; mora, tempore, essentiae multiplicatione  
est. In communi conceptu *sola ratio formalis prae ceteris omni-  
bus specialibus conditionibus ad hoc vel illud membrum pertinen-  
tibus representanda est*. Sic generatio in comuni sumpta vi-  
uentis à viuo per estendi communicationem origo erit.  
Plura, & specialiora de analogia doctissimè evolvit *Dr.  
Wegerus* §. 1. Log. c. 4. Quaedam & *Bellovis* tr. 2. term. c. 281.  
*Suarez* d. 28. Metaph. §. 3. n. 5. seq. & d. 32. §. 2. n. 12. seq. aliq.  
habent, qui hic consuli possunt.

14. *Species & divisiones scibiles sunt, quæ omne scibile  
humanum, quod ab homine ullo modo sciri potest, vel super-  
naturale est, quod supernaturali revelationis principio nititur,*  
indeq; deducendum & ad illud revocandum est. Tale sci-  
bile est *Theologicum*, & quod mysteria fidei complectitur,  
quæ ex solâ naturâ nec inveniri, hauriri, inquire, nec suffi-  
cienter percipi possunt; sed majore, ac Natura est, principi-  
o ad cognoscenda ea opus est. *Hoc in Theologia habitu*, quæ  
ob id habitus *Divinus* & divinitus datus est; quod principi-  
um ejus specialis & supernaturalis divina revelatio sit, & si  
aliâs operâ ac studio nostro ordinariè acquiratur, ad æqua-  
re, distinctè, & accuratè ex proprio & adæquato suo princi-  
pio, lumine gratiæ & spiritali revelatione, hodiè scripturâ  
comprehensâ & aliunde non expectandâ, representandû,  
In disciplinâ ac systemate Theologico exhibendum; & aliis  
communicandum. Quâ ratione methodicè illud exhibe-  
ri & plenè exhauriri queat, in Theologico systemate specia-  
liter est pertractandum. *An habitus speculativus, an acti-*  
B3) *vus, an*

vos, an uterq; & ex utroq; conflatus sit, alibi disceptandum  
*vel Naturale, quod naturali revelationis principio, lumine Naturæ  
 & Creationis nititur, indeq; deducendum ac ad illud revo-*  
*candum est. Hoc vel liberale est, vel illiberale. Liberale, quod a-*  
*nimi & liberalis cognitionis ac felicitatis naturalis gratiâ o-*  
*culis mentis cognoscitur, ut contemplando vel agendo a-*  
*nimus humanus civiliter perficiatur. Hoc vel reale & per*  
*se, vel instrumentale & per aliud est.*

15. *Scibile reale & per se est quod merito sui ipsius &*  
*proprium ob finem, non alienum, ab intellectu cognoscitur.*  
*Hoc vel primum & independens, quod à Nullo alio*  
*scibili Naturali pender, undè principia aut objecta mutue-*  
*tur, sed aliis illa ipsa elargitur. Tale scibile Philosophicum*  
*est, quod Philosophiæ objectum est, inq; eâ distinctè & ad-*  
*æquatè representari liberalis cognitionis gratiâ ad natura-*  
*lem animi felicitatem debet. Hoc quid specialiter sit, Co-*  
*ron. Log. 1. 12. deductum fuit. Estq; contemplabile vel agi-*  
*bile. Contemplabile est scibile, intellectui sub objecti scibilis tan-*  
*tum ratione & solius scientiæ, ut adequatè ex naturâ sui finis gra-*  
*tiâ objectum. In hoc enim ex Naturâ ipsius objecti alius finis*  
*proximus & adequatus esse non potest, nisi scire. Si ultra*  
*quis progrediatur, non ex fine objecti ipsius scibilis agit,*  
*sed ex accidentario & suo. V. c. l. c. 15. seq. Materiale ejus est*  
*ens reale, Naturale, necessarium. Formale, ob solam theo-*  
*riam & contemplationem, ut adequatum finem, ex Naturâ*  
*sui objici. Principia sunt intellectus theoreticus & con-*  
*templatio, quâ mens necessariâ Entia eorumq; attributa*  
*speculando, seipsam ad intra perficere potest. Media sunt*  
*abstractio rei ab principiis, attributis, & speciebus : & con-*  
*ceptus à rebus abstractus, qui in intelligendo sistat, non ad*  
*opera-*



operationem ab eo diversam respiciat. Repræsentantia ejus habitus & disciplina Philosophicæ theoreticæ sunt. Determinatio illarum *generalis* est in præcognitis Philosophicis, v. *Coron. 1. 21. Specialis* ratione inferiorum disciplinarum & objectorum Metaphysicæ, quæ omnibus disciplinis inferioribus objecta assignare debet. Consequens ejus est utilitas, quæ *propter* sit. Omn. enim cognitio debet esse utilis ad perficiendum intellectum: non ea, quæ *propter* & operatio ab ipso intellectu distincta sit. Hæc tantum in practicis & poeticis illiberalibus est. *Conf. Coron. 1. 18.*

16. Scibile Philosophicum Contemplabile *aut rerum summam æffinitatem* speculatur, unde Intelligentia oritur, *aut rerum diversitatem & quidditatem*, unde Sapientia. *Intelligentia est habitus theoreticus simplex, prima rerum principia in æffinitate earum fundata simplici assensu sine discursu contemplans.* Dicitur & Noologia. Simplex habitus est, quia simplici assensu *subscribit* principiis; non per aliud prius ea probat: ipsa enim summa primaq; sunt, quæ priora, ex quibus probentur, non habent, nec deducit alia velut conclusiones ex istis principiis, ut sapientia facit: sed in ipsis principiis contemplandis sistit. Talia principia *vel Theoretica* sunt, ut Quidlibet est, aut non est, Imposs. est simul esse & non esse, Totum est majus sua parte, Deus est, Bis bina sunt 4. *Vel Practica*, ut Bonum faciendum, Malum fugiendum, Nemo loedèdus, Cuius suum tribuendum, Honestè vivendum, &c. Vbi dicitur *synteresis*. Quidam in totum habitum hunc negant. Alij synteresin specie ab eo diversam faciunt, v. *Coron. 1. 21. Sapientia est habitus theoreticus ortus principia prima rerum simul & conclusiones inde deductas cum discursu contemplans.* Ortus habitus est, non in sapientiæ ratione, sic

ne, sic enim scientia sapientia orta est: sed habitus, quia ad assentiendum Conclusionibus per principia inclinatur. *Compositus est*, quia principia simul & Conclusiones involvit.

17. Et quia de rebus diversis diversas conclusiones perpendit, illarum ratione variare necessum habet. Principia sunt unica: sed res & Conclusiones de rebus deductæ sunt diversissimæ. Inde ad objecta certa revocata varia fit, & *alia prima, alia secunda* dicitur. *Prima est, quæ è primis summisq; principiis Conclusiones elicit, ad eaq; universa revocat.* Hæc de ente omni in generalissimo agit, illud in universalissimis principiis speculatur, & conclusiones ex illis deducit. *Novus omnia*, non sigillarim, sed universim: *Difficillima est*, quia generalissima & ab inferioribus abstractissima: *Accuratissima*, quia ad prima principia, quæ verissima, omnia revocat: *summè didactica*, quia rerum connexiones è primis seminibus deducit: *Summè appetibilis*, quia omnia in generalissimis principiis scire facit: *Certissima & evidentissima*, quia ex primis principiis, quæ à nullo negari possunt, demonstrat. Indè scientiarum aquila, sapientia absolutè, scientiæ cum capite, &c. dicitur. Et talis sola *Metaphysica* est quæ & Intelligentia dicitur cum virtute applicandi prima principia: Et inferiores disciplinas omnes dirigit, omnium objecta cognita habet, leges ex receptissimis notionibus erutas illis præterbit, & approbationes ac principia earum ad prima principia revocat. Intelligentiam non dirigit: sed ad suas assertions & conclusiones confirmandas applicat.

18. *Secunda est, quæ ex secundis ortusq; principiis Conclusiones suas deducit.* Hæc scientia dicitur, & de ente necessario de-



rio determinatæ quidditatis tractat, ac particulares conclusiones, limites objecti sui non transcendentes, habet. Principia habet, unde sua deducat: sed secunda, & quæ respectu primorum conclusiones dici queant. Unde scientia solarum conclusionum esse dicitur. Nec solius demonstrationis rigida effectum hic scientia notat: *sed omnem habitum theoreticum conclusionum de objecto speciali & determinato formarum.* Sive omnes probationes sint apodicticæ: sive quædam analogicæ sint; modò omnes necessariae & ex necessarijs principiis deductæ sint. *P. 1. p.* Hæc scientia *vel substantiam* speculatur, eamq; *vel spirituales*, ut *Pneumatica*: *vel corpoream*, ut *Physica*. *Vel accidens*, ut quantitatem. Hanc *vel abstractè & à corpore præcisam*, eamq; *vel continuam*, ut *Geometria*, *vel discretam*, ut *Arithmetica*: *Vel in corpore concretam*, ut *Cosmographia*, *Astronomia*, *Astrologia*, *Geographia*, *Geodæsia*, *Architectonica*: *Vel cum qualitate sensibili concretam*: Et *vel cum sono*, sic numerum in sono *Musica*, *vel luce & colore*, sic longitudinem in visu *Optica*, *vel tangore*, sic ponderositatem, gravitatem, aut levitatem *Statica* contemplatur.

19. *Scibile agibile est scibile intellectui sub ætus moralis ut objecti ratione, & actionis moralis, ut adequati ex naturâ ipsius objecti fluentis finis gratiâ, in quo acquiescendum, objectum.* Ejus habitus dicitur *Prædientia*, habitus cum rectâ ratione activus eorum, quæ bona aut mala moraliter homini sunt. *Materiale* ejus est ens reale, naturale, contingens. *Formale* est: naturâ sui agi posse & velle, ac ob operationem moralem ab ipsâ cognitione distinctam ut adequatum finem ex naturâ sui obijci. *Principia* sunt Intellectus practicus & praxis, nimirum functio intellectus circa operabile occupata, ad operandum moraliter extensa, non in ipso intellectu

tellectui terminata, sed à facultate menti subordinatâ, ut voluntate aut appetitu sensitivo directo & rectificato, exequenda. *Gnosis & cognitio* hic requiritur: non theoria & speculatio. *V. Coron. 1. 17.* *Media* cognoscendi sunt abstractio à singulari conditione, & conceptus rerum agibilium, qui non in intelligendo sistat, sed agere moraliter requirat. Ex naturâ n. sui *πραξις* agi volunt, non sciri: & si ex accidente & intentione discentium sciri saltem possint. Agere naturaliter in Medicinâ, artificialiter rigidè in mechanicis artibus, analogicè in instrumentarijs habitibus requiritur. Objectum Philosophiæ Practicæ est actus & agendum, & secundum determinationes suas speciales partes sortitur. *Agibile vel in communi* & abstrahendo ab omni vitæ statu spectatur, sic in *Ethicis*; *vel in speciali* & ad certum statum determinando: *Hoc vel in Oeconomico*, sic in *Oeconomicis*, *vel Politico*, sic in *Politicis*, *vel Scholastico*, sic *Scholasticis* spectatur, ibiq; pro objecto explicatur. *Historica* quatenus hic locum habeat, ut exemplaris rerum mundi ordinata representatio, *Coron. 1. 21.* dictum.

20. *Scibile reale secundarium & dependens est, quod à Philosophico pendet; indèq; objecta & principia conclusionum mutuatur* Tale Juridicum & Medicum est. *Virumq; practicum est*, sed illud magis specialiter practicum & morale: hoc magis poeticum & naturale. *Juridicum* est scibile practicum ad justiciam in Republicâ prudenter & specialiter dirigendam, servandam, & administrandam ordinatum. Hoc objectum Jurisprudentiæ est, quæ adæquatè & distinctè in illo evolvendo occupata est. Præsupponit principia Ethicæ & Politicæ, ut si hæc non essent, conclusiones Juridicæ esse non possent. *Medicum* est scibile practicum, (generaliter.



neraliter praxin capiendo, non pro morali praxi, sed omni liberali, theoriæ contradistinctæ, & ab intellectu ad agendum regulatæ, ) ad sanitatem hominis naturali modo per certa mediæ promovendam specialiter ordinatum. Hoc Medicinæ objectum est, inq; eâ distinctè & adæquate per Universæ mediæ, per quæ finis Medicinæ acquiri potest, deducendum. Præsupponit principia Physicæ, & interdum Mathematicæ, ut sine his conclusiones Medicæ esse non possint. Specialiter hos habitus apud Authores, qui de illis scripserunt, deductos vide. *Iurisprudentiam* qui distinctè in modum habitus repræsentârunt, pauci sunt. *Alibius* in Dicæologia, *Vulterius* in Jurisp. Rom. *Tholosanus* in synagmate, *Hopperus* in Hægoge, *Schefferus* in arte Iuris, *Alstedius* in Encyclopæd. majore, *Keckermannus* in Methodo juris, aliq; aliquid præstiterunt. *Medicinam* plures delineârunt. Ut *Fuchsius*, *Heurnius*, *Liddelius*, *Fernelius*, *Sennertus*, *Horstius*, *Fallopianus*, *Salvius*, *Aegineta*, *Simoneta*, aliq.

21. *Scibile Instrumentale* & per aliud est, quod non merito sui ipsius, sed ob alium à sui cognitione finem & utilitatem aliquam ab intellectu cognoscitur. Hoc objectum habituum Instrumentalium est, in illisq; distinctè & adæquatè repræsentandum. Ens rationis & notio aliqua secunda est, non reate & notio prima, nec realis objecti alicujus cognitione animum perficit. *Notio secunda est notio* conceptum non immediatè à re intellecta, sed à modo intelligendi sumptum notans, & immediatè in conceptu rei fundatur, non se ipsâ. *Abstractio* in hoc scibili est non à materiâ, quæ hic determinatè nulla: sed *rebus omnibus*, quibus ex modo intelligendi Intellectus notiones secundas imposuit, vel ut sub actu intellectus in seipsum reflexo interdum illæ stant.

ex quâ reflexionē rationē quādam ad operationē mentis tantum perdurantem ex habitudine & relatione rerum oriundam reperit, quā rem denominet. Facilitat tantum rerum cognitionem; non ipsam rei noticiam immēdiate dat, eo quē nec propter se cognoscibilis est. *Sibile instrumentale vel propter omnes* disciplinas formatur, Et hoc *vel ut* veritatem rerum facilius ac distinctius percipiamus, quod notio secunda *Logica* facit, Logicæ objectum, & in eā distinctē & adequatē pro fine suo proponendum: *Vel ut* perceptas res commodius reservemus, & cum ulū est, deprimamus, quod notio *Mnemōnica* facit, Mnem. objectum, & in eā distinctē pro fine suo representandum: *Vel propter quasdam*, ut bonum nempe facilius inducamus, aut verum aptius persuadamus, & imprimis virtutum ulum commodius instillemus. *Hoc notio Rhetorica* facit, ad ornatē dicendum composita, in Rhetoricā explicanda; *Et Poëtica*, ad ligatē dicendum composita, in Poëtica adequatē explicanda. *Lexicalis & Philologica* his omnibus subterni, vel ad Grammaticam, Oratoriam, Poëticam, similiaq; referri possunt. Et hi habitus instrumentales non Philosophiæ partes, sed instrumenta sunt, æquē ac Theologia, Jurispr. & Medicina: & materiæ eorum ab his, ut instrumenta, prærequiruntur, non in illis quærī aut proponi debent. *V. Coron. lib. 16.* Philosophia rerum nature scientia esse debet: non notionum instrumentalium in rebus adhibendarum.

22. Sic cognoscibile *Naturale liberale* fuit: *illiberale* est, quod *illiberalis* cognitionis gratiā intellectui obijciatur, ut organū corporis ad vitæ emolumentum aut ornamentum verē & extrinsecus efficiatur. Hoc artium verarum & strictē dictarum objectum est, quæ sunt *habitus mentis cum reclaratione operum*



21.  
rum realium & exteriorum per organa corporis realiter effecti-  
vi. Effectio specialiter hic est operatio intellectus ad aliquod  
reale & in sensus externos incurrens à facultate subordina-  
ta per organa corporis exequendum directā. Per hoc ad  
solas artes manuales restringitur. Nec artis vocabulum la-  
tissime hic sumendum, ut omnem habitum disciplinarent  
noret, ut *Affodius Timplerus*, & *Ramus* interdum sumunt:  
Neque, ut & artes scibile liberale tractantes comprehendat,  
quales Medicina & habitus instrumentales sunt, & in Ma-  
thematicis & in iuris que à illis subordinate videntur, &  
à quibusdam plastica, sculptoria, pictoria, callatoria, Chi-  
rurgica, typographica, inter eas numerantur. *V. Laurem-  
berg. pref. pref. 1. Regium d. 17. Phil. 1. 211.* Ubi ex fine  
interdum de illis iudicandum, ut post patebit: sed solas illi-  
berales, quæ & vera opera producant, & verā effectione  
producant; & ad talem effectiōnem naturā sui & intenti-  
one habitus ordinantur. *Conf. d. 1. Gy. Log. 1. 16.* Ubi effe-  
ctio ipsa non intenditur, sed mera scientia: ita circa effecti-  
vum & artificiale versari potest, etiam scientificus, sed tan-  
tū cognoscendo, aut operationem dirigendo: non au-  
tē ipso operando, efficiendo, vel effectiōnem in se inten-  
dendo. Sic Architectus ingeniarius utentibus præst, eos-  
que dirigit: operā manuum solus utitur Manualis & adifi-  
cator, hic verē artifex est: Prior ei analogus, ab eo tamen  
verē distinctus, non cum eo confusus est. Sic principes qui-  
dam aurificinam, tornatoriam, aliaq; artificia callue-  
runt, non nisi rarissime exercuerunt, nec exercere intende-  
runt.

23. *Obiectum artis*, Circa quod ipsa versatur, *realis a-  
liqua & sensibilis materia est*, circa quam formam aut perfe-  
ctionem.

ctionem inducendo versari ipsa potest. Hæc operationibus artis & artificis ut fundamentum subternitur, & sine quâ artis operatio esse non potest. Opus enim artis non ex nihilo, nec in nihilo fieri potest, cum nec Natura, arte superior, in nihilo operari queat. Vulgò omne effectivum s. *ποιητικόν* hoc objectum dicitur. Et constat *vel materiali s. re considerata, & formali s. considerandi modo. Res considerata* s. materia ipsa, circa quam ars occupatur, multis artibus communis esse potest. Sic circa ferrum occupantur ars ferraria, seraria vel claustraria, falcaria, scutaria, poliaria, loricaria, cultraria: Circa lignum lignaria, arcularia, carpentaria, tornatoria, doliaria s. victoria, statuaria, scandularia, cribraria, carbonaria. *Formale & modus considerandi* sub certâ ratione & ad certum finem uni arti est proprius, ei reciprocus, & cum arte ipsâ convertibilis. Sic seraria ferrum, ut seræ indè conficiantur, Cultraria, ut cultri, Loricaria, ut Loricæ, tractat. Carpentaria lignum, ut carpentum, currus, aut simile quid, tornatoria, ut vasa tornata, doliaria, ut dolia, circuli, & simile quid, statuaria, ut statuæ conficiantur, tractant. *Objectum artis* sit ens reale, non fictitium aut ens rationis tantum. Unum formaliter, & si materialiter multum esse queat: Sic ædificatoria lapides, ligna, ferramenta, camenta, continet, sed ut in formam ædificij concurrunt: In nostrâ potestate positum, quod effici, & alio ac alio modo effici, disponi, & in certam formam redigi possit: Arti ipsi æquale, nec latius eâ, nec angustius: artifice cognitum, & primò in arte secundum finem ejus, quem intendit, cognoscendum. Sic ferraria ferrum cognoscit, ut cudi & duci debet. Quomodo in terrâ generetur, ex eâ effodiat, non curat, ut extra suum finem positum.



24. *Principium artis* est intellectus poëticus s. artificiosus, per organa corporis & facultatem locomotivam operationem exequi volens. *Idea dirigens* exemplar in mente artificis abstractum & impresum est, secundum quod operatio expediri debet. *Medium* est abstractio à materiâ singulari, non universali. Aliquam enim materiam relinqui oportet, circa quam artifex operando versetur: Et abstractio *secundum rationem*, quâ figuræ in mente artificis citra materiam existunt ideæ operationis, non secundum rem: In operando enim quivis artifex sensilem poscit materiam. *Exequens principalis* est facultas locomotiva imperio intellectus & voluntatis subdita, ad præscriptum eorum efficiens. *Instrumentalis* manuarum instrumenta cuiuslibet effectui accommodata sunt. Multa horum artibus quibusdam propria *Reyerus* enumerat. d. 17. *Philos. t. 236. seq.* *Finis* est veri operis realis & externi effectio. De agibili autem illiberali hoc intelligendum. *Medicina* opus huc non pertinet. Liberalis enim ea ars est, ac proinde opus ejus externum esse, necessum non est. Ut correctio intemperiei in liene. *Finis artis ens reale* & positivum sit; ex naturâ & scopo artis æstimetur, non animo discantis, aut accidentariis conditionibus: ex eo de omnibus in arte traditis iudicetur, omniaq; ad eum in arte referantur: Et quid sit, ac quod possibilis sit, in arte cognoscatur: Per veram & propriè dictam effectiorem inducatur, & essentialiter ad operationem referatur, non in solâ agnitione sistatur. Principalis sit, & ex naturâ artis ipsius in eo, ut ultimo artis fine quiescat: non instrumentalis, & ex naturâ artis ad aliud quid accommodandus. Sic *Ædificatoriæ* finis ædificium est. An habitatio accedat, ædificatoria non curat. *V. t. 25. In instr-*

instrumentalibus habitibus, ut Logica, Gramm. quia nulla vera effectio artis est, nec finis principalis ipsorum habituum ex se est, *s. 21.* male artes instrumentales dicuntur.

25. *In illiberalibus artibus, an quedam instrumentales dici possint, ut frœnifactoria, restiaria, ephippiaria, quedam principales, ut Equestris, nautica, fabrilis, dubitatur.* Quidam ajunt, ut *Calov. in Meth. Log. p. 171. Reinbothus d. 12. Eth. 1. 17. Et ex Aristot. 2. Phys. 1. 24. & 1. Eth. c. 1.* deducit, Ubi quasdam artes præcûe sui gratiâ expeti, quasdam aliis subordinari ait, ut frœnifactoriam equestri. *Alij negant, & cujusvis artis ex naturâ ipsius artis proprium & suum finem esse ajunt, non essentialiter ad alium subordinatum.* *Vt Lauremberg. p. 31. seq. Pensoph.* Et hoc rectius. Hoc enim effectio & operatio realis, cuiusvis arti & artificialiter effectibili pro proximo & interno fine objecta, requirit. Quod opera earum ultra post adsumantur, & ad usus aliarum artium accommodentur, *ex usu & applicatione hominum artibus utentium est*, non naturis artium & disciplinarum illiberalium. Sic frœnifactoria frœnum & frœnificationem, ut essentialem finem respicit, ephippiaria ephippium; restiaria restim: & in his ut ultimis suis finibus quietat. Quod equestris, nautica, opera illa ad suas artes assumant, accidentale prioribus est. Frœnifactoria essentialiter frœnum parare intendit, etiam si nulla equestris ars esset, quæ eo ad suum in arte suâ usum uteretur. *An & Magica s. Diabolica artes artibus annumerandæ, hic queri solet?* De hoc *Consmb. qu. 1. proem. Log. 2. 3. vide.* Finis artis in multis illarum non obtinet, qui semper bonus, & boni. *V. d. 13. 1. 16. G. L.* Cum in  
his



25.  
his semper malus & mali. Quanquam variae sunt hae artes. Quaedam praestigiatoriae, in his nulla vera effectio, sed illusio tantum: Quaedam effectoriae; In his si finis arti conveniens esse queat, artium nomine comprehendi queant. Si minus, nec artes, sed ludibria vel vanitates dici mereantur. Ita Curt. l. 7. c. 4. de Magia: *Si modo ars est ea, & non vanissimi ejusq. ludibrium.*

26. Divisio cognoscibilis illiberalis qualiter instituenda, ut totalis & adaequata sit, ambiguum est. Quia cognitio ejus non ad animi felicitatem, sed corporis emolumentum facit, in liberali cognitione non multum curatur: sed obiter & secundario tantum cognoscitur, adeoque nec de divisione illius magno per se laboratur. Dividi potest in illud, quod ad vitae necessitatem, & quod ad commoditatem & voluptatem facit. Ad necessitatem, quod vel immediate ad amictum aut victum pertinet, ut cognoscibile textorium, sartorium, pellionium, cerdonium, sutorium, Molitorium, pistorium, lanionium, cerevisiarium, coquinarium: Vel mediate, quod mediate ad victum aut amictum inservit, ut fabrile, lignarium, metallurgicum, lapicidarium, lateritium, figulinum, vitriarium, restionium. Ad jucunditatem & ornamentum, quod ad vitam jucundius & commodius agendam pertinet. Ut balneatorium, tonsorium, gladiatorium, equestre, & simile.

27. Ita cognoscibile humanum universum exhaustum est. Cognitio humana totuplex, quotuplex objectum ejus, Cognoscibile humanum, est. Eoque in tot species variari debet, quot de cognoscibili hactenus traditae: Et ex traditis facili negotio patet. Jam cum in ea Theologica cognitio & Philosophica in primis excellat, & de Philosophica quaeramus.

D

dam nobis tractanda restent, quæ universa dare nimia *disput. d. naturæ Philosophiæ* Coronidis loco *Gymn. Logico* adnexæ prolixitas non tulit, jam thesibus de cognitione humanâ universâ ea subjungere non iniquum videri debet.

28. Ad *ib. 34. citate diss. sequentis* adjici possunt. Quod Philosophi hostes Christianismi fuerunt, ipsi Philosophiæ imputari non debet. Hæc semper favit Christianismo, ait *B. Rhenatus in argum. libr. Tert. c. Valentinianos.* Non abjicitur à Theologiâ, sed in obsequium ab eadem sumitur, ait *Gerson l. 1. consol. Theol. Prof. 1. Theologia Verbum Dei tractat: linguas & artes non mutat, corrumpit, aut aboler: sed ministerio earum utitur, ubi oportunitas & commodum est,* ait *D. Menzervus in just. defens. p. 6. p. 312. §. 155. Tertullianus* ipse in simili argumento inter causam & culpam, statum & excessum multum differre ait, *l. 1. d. coron.* Ita hostilitas non ad statum Philosophiæ, sed subjecti interdum habentis eam pertinet. Quod Stoici, Epicurei, Corinthij, mysteria fidei riserunt, non magis Philosophiæ imputandum, ac futuriæ vel sartoriæ habitui, si sartores futuri; id fecissent. Nec magis concludit, quàm si Theologiam impiam, profanam, & ineptam voces, quia multi Theologitales sunt. *Papiste* imputatam justitiam rident, non quâ Philosophi, cum Philosophiâ ex se de eâ nihil sciatur, aut habeat: sed quâ Papistæ, h. e. Philosophiâ ad suum sensum abutentes, & Lutheranorum hostes ἀσπερδον sunt. Fortasse non tam dogma, quàm quod nostrum sit, abominantur. Novit Philosophia, esse DEum, esse justum, veracem, colendum. Sic ad quærendum DEum incitat, si quis eâ rectè uti velit. *Act. 17. v. 27. Rom. 1. v. 10. seq:* Sic doctrina de vëro, bono, perfecto, ad amorem summi boni, ver.



27.  
veri, perfecti incitat. *V. Picum Mirandulan. l. d. en-*  
*te. c. 10.*

29. Ad *ib. 35. hac* ulterius continuari possunt. *Si*  
*tale est objectum*, quale esse dicitur, verum est enuntiatio  
propter objectum. Nulla bonitas aut malitia hominis ve-  
ritatem illam immutabit, cum à bonitate ejus veritas non  
dependeat: quanquam justitiam & probitatem hominis  
mutare possit. Et qualiscumq; sit veritas, s. naturalis, s. spi-  
ritualis, s. ut quidam vocant, carnalis: dum rei suæ consen-  
tiat, veritas est, & conditione subjecti enuntiantis eam non  
mutatur aut falsitas fit. Sic Diabolus Deum esse dicens  
verum dicit, & si Diabolus. Caiphas prophetizans vera  
dicebat, *Joh. 18.* & si impius. *13. Scriptura dicit*, gentiles ve-  
ritatem DEi in mendacium commutavisse, *Rom. 1. v. 25.*  
Et impios & si verè jurent, non tamen verè, sed mendaciter  
jurare, *Jerem. 5. v. 2.* ac DEum esse dicentes factis negare,  
omniaq; impiis polluta esse. *Tit. 1. v. 15. 16. F.* & ipso-  
rum veritates falsitates dici possunt. R. Commutârunt  
in mendaciū, sed cultu & idololatriā, quod statim additur:  
Non enim ut DEum glorificârunt, sed in vanitatem & men-  
dacia cultum suum direxerunt, *v. 21. 22. 23. 28.* Non quod  
esse veritatis in falsitatem immutare potuerint, quasi, quod  
in se verū, in impijs in falsum degenerârit. Sic & in vanum  
vel mendacium jurant, Ethicè, non Metaphysicè, quia & si  
verè jurent, non tamen, quæ jurant, præstant. Similiter  
& DEum factis negant, quia quem agnoscunt, non legiti-  
mè ut DEum colunt, & cum omnia illis polluta sint, nul-  
lus verus DEi cultus inesse potest. Non quod veritates E-  
nuntiatorum impietate suā in falsitates immutare possint.

30. 14. *Philosophia*, ut hodiè docetur, omne ex elementis compositum naturâ suâ mortale esse docet, relationem ex se non esse ullius efficacîæ, futuri contingentis ratione nostri non esse determinatam veritatem, & DEum certâ ratione causam per accidens peccati dici posse tradit. Quibus omnibus contraria docet Theologia. Nam Adamum in integritate naturâ immortalem fuisse, fidem ut relationem in Christum justificare, salutem nostram ut futurum contingens nobis certissimam esse docet, & DEum peccati causam nullâ ratione dicere concedit. *R. Physica* ex elementis compositum naturâ sui sc. solitariè in seipsâ spectatum, mortale dicit. Sed *Theol.* non Adamum ita naturâ immortalem fuisse dicit, ut tantum, quâ ex elementis compositus, talis fuerit: sed & in imagine DEI concreatâ spectatum, quâ quia ad naturam integram pertinuit, concreata fuit, & naturali generatione propagari debuit, habens naturâ totâ in istâ perfectione spectatâ immortalem statuit. *V. Sap. 2. v. 23.* quod nihil contrarium Philosophiæ infert. Sic *Phil.* relationem ex se, perse, & sui natura non agere ait. *Theol.* fidem non ex relatione, sed in illâ justificare dicit, quatenus in ea Christum ejusq; meritum respicit. Nec fides nuda relatio, sed & apprehensio est, quâ actus quidam, qui vi objecti sui, in quod fertur, efficax esse potest, nec contrarietatem *Phil.* infert. Sic receptio annuli, cui hamatites inclusus, sanguinem sistit ob illum. *Phil.* futuri contingentis ex se & natura sui spectati, non esse determinatam veritatem dicit. Theologia non ex naturâ sui, sed positione causarum certitudinem facientium, ut DEI promittentis veracitate, universali benignitate, perseverantiæ concessione, hominis in fide permansione, &c. de salute



de sa'ute certi quid constare posse dicit. Hæc non sunt contraria. *Phil.* DEum peccati causam per accidens dicit; sed moralem & occasionalem, quâ legem tulit, unde per accidens peccatum ortum, *Rom. 7. v. 5. 8. 9.* Et quâ conservat naturam, motum largitur, influir, concurrir, permittit, cum vî impedire posset. *Theologia* negat ullâ ratione sic dicendum, nempe ut culpa aliquâ in DEum derivetur, inordinatio, occulta volitio, motio, & impulsus ei tribuatur, ac ut causa per accid. altera species causæ efficientis est, quâ in per se & per accid. dividitur, ut quidam Logicorum dividunt. Sic enim efficiens causa per accidens Physica homo ejusq; voluntas est, moralis Diabolus. Hæc etiam non sunt opposita. *15. Sapientia carnis est inimicitia contra DEum. Rom. 8. v. 7.* Sed Philosophia est sapientia carnis, non n. spiritus est, nec inter opera spiritus numerari potest. Inter sapientiam a. carnis & spiritus nihil mediij est. Caro a. & spiritus immediatè in sacris opponuntur. *R. Minor* falsa. Philosophia propriè nec sapientia carnis, i. e. hominis irrogeniti, ut talis, est: nec spiritus, h. e. renati, in quantum talis, est: *Sed Natura:* ac tria operum principia esse possunt, spiritus, Caro, & natura. Sic edere, bibere, moveri, ambulare, loqui, cantare, nec spiritus, nec carnis sunt opera, sed naturæ, naturam pro principio agnoscencia, & in sese indifferentia, morali aut spirituali modo nec bona, nec mala. *Inter opera spiritualia ac Theologica,* quæ in spirituali foro conscientia spectantur, nullum medium inter Opus carnis & spiritus est, sed quicquid Theologicum opus est, vel carnis vel spiritus est: Sed benè inter opera in universum, quâ naturalia & spiritualia simul exhauriuntur. Sic quædam opera naturæ

D3

sunt, quæ nec præcise carni, nec spiritui tribuenda. Sic naturæ intellectivæ opera sunt omnes artes Civiles, liberales & illiberales, principales & instrumentales: frustra has carni vel spiritui tribuere laborabimus. Caro spiritui opposita in sacris *corruptionem & malitiam* notat, & quicquid inde est, malum & abominabile, ac in irrogenito tantum est. *Iob. 3. v. 6. Rom. 8. v. 4. 5. seq; Gal. 5. v. 16. seq;* Sed Philosophia etiam in regenito esse potest. Sic Adamo integro, Patriarchis, Moïse, Salomone, &c. Cætera in discursu. Plura ap. D. Grauecr. d. vn. ver. Keckerm. pec. quæst. D. 1. Mart. C. 1. d. 1. q. 1. & l. 2. spec. Ration. D. Meisnerum quæ. præm. Ph. sob. Scheibler. d. Philos. n. 137. Kestlerum quadr. discurs. Vedelium l. 3. Rat. Theol. c. 2. seq. aliosq; vide.

31. Ita primum pronuntiatum confirmatum sit: Dico II. *Philosophia ex conditione lapsus & hominum, in quibus est, spectata & contrariari potest Theologia, & de facto sæpè contrariatur.* V. Ephes. 4. v. 17. 18. Et huc pertinent dicta 1. 34. Coron. Log. citata. Ita intellectus corruptus est, principia sua generaliter etiam Theologicis immista vult, & ex ijs mysteria fidei oppugnat. Hac ratione Trinitas, incarnatio, resurrectio homini animali sunt stultitia, 1. Cor. 8. v. 14. Ita veritas Philosophica, prout putatur à Philosopho, sæpè contrariari Theologiæ potest. Sic cum in Philosophicis *leges de possibilibus* scribendas dicitur, statim ad leges divinas in statu corruptionis idem trahitur. Cum *boni quid* agendum, semina naturæ subesse oportere dicitur, statim ad opera spiritualia ex nobis producenda in Theologicis applicatur. III. *Philosophia hoc modo spectata mysteria fidei oppugnare non debet, expugnare non potest.* Oppug. non debet: Est enim diversa omnino disciplina à Theologiâ, disparato ob-




31  
to objecto & considerandi modo prædita. At ex disparatis considerandi modis vera oppugnatio fieri non debet, non enim feriunt *ιδιαιτως* & ad eundem modum & respectum, qui hic semper observari debet. Est præterea per lapsum & conditionem hominum corrupta, cæca, obscurata. At tamen quid Theologiam, ut lumen clarissimum, oppugnare non debet. Et huc pertinet, cum authores hanc mulierem, Rationem, tacere debere in Ecclesiâ dicunt, *Buscher. in paran.* Cum canem balneo exesse debere dicunt: *Parvus l. 4. d. lib. arb. c. 10.* Cum Athenis & Hierosolymis nihil commune esse dicunt: Hic ratio in quantum corrupta, captivanda, ne dominetur, non ut ratio, prorsus extinguenda, ut emoriatur, aut trucidanda, ut sepeliatur. *Non debet inolescere per dominij affectationem: sed nec brutescere per totalem omnis discursus abdicationem. Expugnare non potest;* nam corruptum incorruptibile, egenum validum, natura creatorem, expugnare nullo modo potest.

32. Fuerunt affectiones Philosophiæ *consentanea*. *Dissentanea sunt*, quæ naturæ ejus non conveniunt, sed ab eâ disparantur. Suntq; *partim diversitas* ab omnibus cæteris habitibus realibus & instrumentalibus. *V. Coron. Log. l. 3.* Et ab instrumentalibus differre eo ipso patet, quod instrumenta nunquam veræ partes propriè loquendo illorum sint, quorum sunt instrumenta, ut alibi docebitur: *partim Oppositio* ejus ad nonnulla, qualia sunt *Αδιδοσσία* s. mera ignorantia, quam fratres Ignorantiæ simplicitatem vocant, *V. Scaligerum ex. 6. f. 4. & ex. 307. f. 3. 26.* Qui in ore habent dictum hoc:

*Philo.*

*Omne Philosophari est fortari: Et qui vult amicus esse Dei, caueat sapientiam Philosophi. Om. usus rationis in Theologia est abusus. Quibus merito opponetur illud: Philosophiam, explicationem luminis naturæ, ex homine tollere, & lumen naturæ in homine damnare est hominem in homine damnare, & hominem ex homine tollere. Usus rationis in scripturâ adhibetur, non prohibetur: utilis est, non inutilis a. noxius, necessarius, non superfluous, ut plurib. alibi dicetur. V. d. 10. Gym. Log. t. 20. Nec scriptura brutû est data, sed hominibus, intellectu percipitis, & qui sensum verborum eruere, ac assequi & defendere possint: Et Καταφροσυνή, quâ Phil. distortetur ad vanitatem subjectorum utentium, ut ad imponendum, incrustandum, ostentandum, veritatem subtrahendam, &c. De his D. Meisner. c. l. ar. 2. Kerk. c.*

*l. c. ult. aliosq. vide.*



## Auctaria.

I. Qui fallacias pro numeris terminorum augent, ut materia, finis, efficientis, Conjugatorum, fallaciam dicant, ut d. 15. Gym. Log. t. 12. monitum: Eadem ratione & formâ ex Metaphysicis fallaciam Entis, unius, veri, boni, perfecti, finiti a. infiniti, necessarij a. contingentis, ex Physicis fallaciam losi, motus, & temporis, generationis, corruptionis, alterationis.



rationis, nutritionis, vita, mortis, ex Grammaticis  
fallaciam Etymologia, Orthographia, Syntaxis, Ex  
Rhetoricis fallaciam Metonymia, Synecdoches, ali-  
aq. hujus generis acervent, ut numerum fallaciarum  
satis completè exhauriant. At alienum hoc futurum i-  
psi vident. Certi enim tituli fallaciarum Logici &  
ex argumentandi ratione, non quo vis termino in argu-  
mentatione occurrente, sumpti esse debent, ad quos  
vitia circa res omnium disciplinarum, siue Metaphy-  
sica illa, s. Rhetorica, s. Grammatica, s. Theologica,  
sint, commissa tanquam ad tribunal sisti, & ex quibus  
judicari & judicari debent. Nec methodus Logica  
abundare in superfluis, ut nec deficere in necessariis  
debet.

2. Amphiboliæ in fallacijs Exempla sunt: Qui  
sunt domini sui, sunt sui juris. Servi sunt domini sui.  
E. sui juris. Socrus oderunt nurus. E. nurus odio pro-  
sequuntur socrus suas. Oportet me Romanis videre, ait  
Paulus, Act. 19. v. 21. E. Roma urbs vidit Paulum.  
Rumor est, uxorem habere te. E. uxor tua habet te. A-  
gunt, Aristotelem Platonem doctrinâ superare E. Pla-  
to doctior est Aristotele. Sed hoc exemplum, Qui librum  
in lucem mittit, ab omnibus eum legi vult. Qui librū  
in ignem conjicit, in lucem eum mittit. E. q. l. i. ig. con.  
ab om. eum legi vult, quod pro amphiboliâ Burgersdici:  
l. 2. Log. c. 25, habet, melius ad homonymiam referetur.  
Est n. phrasis ex significata vocum, non constructione,  
ambi-

ambigua, Librum in lucem mittere, quæ & propriè & tropicè semitur.


3. Dua natura Christi à Deo conjuncta, in Deum unita, adeo inseparabiliter sunt unita, ut nec in morte unio earum personalis sit soluta, sed et in triduo mortis hic homo fuerit filius Dei viventis, & si unio animæ & corporis naturalis soluta fuerit, & sic naturalis vivusq; homo Christus non manserit.

4. Propositiones, DEUS est passus, annumerantur enuntiatis paronymis proprijs, non quòd verum accidens proprium ibi prædicetur. sed quòd extraesentiale prædicatum mysticum appropriatum.

5. Passus est Christus totus DEUS & homo, ut subjectum Quod & adequatum, unde Deus dicitur redemisse Ecclesiam, Act. 20. v. 28. Passus est carne ut subjecto Quo & receptivo, unde σαρξὶ παθὼν dicitur. 1. Petr. 3. v. 18. c. 4. v. 1. Patres quidam Deitatem passam ajunt: sed impatibiliter, & citra σὺν ἑσὶν Eutychianam, Monotheliticam, aut Theopaschiticam. Nec inde solam carnem passam dices, ut nec solum corpus hominis mori, si hominem secundum corpus mori asseveres. Compositum n. dissolvitur.














H NICOLAI

OPERA.

TOMUS II.